

## من ساعة يدوب

من ساعة يا دوب كنت ف بالي  
سهران وبغني ف موالي  
فجرحني هواك  
وازاي أنساك وانت اللي هناك  
برجك عالي  
مستني ولو كلمة تقولها  
مشتاق والكلمة غازل نولها  
قول مين قساك؟  
دا أنا بترجاك  
مستني ولو لحظة أطولها  
على لحن هواك عايش ذكرى  
وف قلبي الشوق راسم فكرة  
نسمة وأحلام وعيون ما تنام  
مستني طلوع شمسك بكرة  
أنا قلبي فاتحلك أبوابه  
ومسكن فيه كل أحبابه  
فتعالى نعيش وبلاش تطنيش  
نسکر من شهنه وعنابه  
ليه حزنك باين ف الصورة

والضحكة الباهتة المبتورة  
راسمة الأحزان  
وف كل مكان  
براويز أحلامك مكسورة  
افرد جناحاتك يلا نظير  
ونعيش أحلام زي العصافير  
الدنيا براح.. كلها أفراح  
ونسائم شوق..  
وورود وحرير  
عايش في الماضي  
عشان تهرب  
من ذكرى ما بينا  
ما فيش مهرب  
حتروح على فين؟  
يا كحيل العين  
وانا بلمس قلبك يتكهرب  
أرجوك خليك هنا ويانا  
وأوعاك تنسى وقت لقانا  
فرصة وما تجيش  
غير لما نعيش  
ونزوق بالحب سمانا